

السلام عليكم ورحمة الله وبركاته

بسم الله والصلاة والسلام على رسول الحمد لله وكفى وصلاةً وسلاماً على عباده الذين إصطفى أما بعد، مصاحف حضراتكم فين يا باشوات ماشاء الله طب أنا مصحفي فيين ؟ محدش عارف المصحف بتاعي فين ؟ هات المصحف يا بني بص يا عم الشيخ رضا جزاكم الله خيراً بصوا يا إخواني لأن إنهارده يعني بصوا إحنا في مسابقة يعني إحنا مش بس في مسابقة إن إحنا في إمتحان إن شاء الله وفي جائزة عمرة على تفسير وحفظ سورة مريم ولكن إحنا في مسابقة إزاي نخلص السورة فعلاً في المرات اللي قولنا عليهم مع المرتين الإستثنائيتين اللي إحنا قولنا عليهم اللي إحنا هنكلم عنهم إنهارده إن شاء الله لأن المرة الجاية مرة إستثنائية من ضمن هاتين المرتين، بسم الله والصلاة والسلام على رسول الله الحمد لله وكفى وصلاة وسلاماً على عباده الذين إصطفى اللهم لك الحمد كله ولك الملك كله وبيدك الخير كله وإليك يرجع الأمر كله اللهم صلي على عبدك ونيك محمد -صلى الله عليه وسلم- في الأولين والآخرين وفي الملاء الأعلى إلى يوم الدين أما بعد ، اللي قاعد معانا ومش ماسك مصحفه مصحفه فين ؟؟ أبو يوسف طب مش مفتوح ليه ؟ الشيخ محمد إخواني في الله مصحفك فين ؟ الأخوة مطلعة الموييلات ، ص305 يا جماعة سورة مريم اللي بعد سورة الكهف علطول يلا مصحفك أخواتنا كل واحدة تمسك المصحف بتاعها يلا يا جماعة هاري أب هاه أبو حميد خلاص يا إخواني كل واحد معاه مصحفه أستاذ إبراهيم خلاص طيب ننطلق بقي بإذن الله سبحانه وتعالى ص305 إنهارده إن شاء الله بإذن الله مش هنقوم إن شاء الله غير لما ناخذ قصة زكريا وقصة يحيى عليهما السلام إنتوا أحرار ابقى هتركزوا معايا هنخلص بسرعة بإذن الله سبحانه وتعالى دماغكوا مش هتركز في كلام الله وفي كتاب الله إنتوا أحرار فتحة المصحف اللي إحنا عملناها دلوقتي فوق عند الرجال وتحت عند النساء دي تعني فتح الله علينا يا إخواني طول ما المصحف بيتفتح في حياتك طول ما فتح ربنا هيتنزل عليك في حياتك ، بسم الله الرحمن الرحيم "كهيعص ﴿١﴾ " يعني إيه ياخوانا ؟ يعني إيه؟ حد سألني منكوا يعني إيه ؟؟ حد عارف يعني إيه كهيعص؟ حد

عارف ؟ محدش عارف ، إمال بتقرأها ليه؟ يعني هو دلوقتي "ذِكْرُ رَحْمَتِ رَبِّكَ عَبْدُهُ زَكِيًّا ﴿٢﴾" أنا عارف معناها ، إذكر رحمة ربك لما تنزلت على زكريا عليه السلام إذكر هذه الرحمة عشان قلبك يتملى أمل في الله ويتملى فرح بالله ويتملى رجاء في عطاء الله فـ ذِكْرُ رَحْمَتِ رَبِّكَ عَبْدُهُ زَكِيًّا ﴿٢﴾ أنا فاهمها بقراها إما "كهيعص" أنا مش فاهمها وبردو بقراها هو إنت مبتقرأش غير اللي إنت فاهمه هو إنت مبتنفذش غير اللي إنت فاهمه ، يبقى من أولها معنى الإستسلام لله أول فايدته نخرج بيها من الحروف المقطعة معنى الإستسلام لله إنت مش فاهمها بس هعبدك بيها يارب بس هقراها يارب مش اللي فاهمه في الدين بس اللي هطبقه ولو في حكم في حكم الدين مش فاهمه بردوه هطبقه أنا مسلمك قياد حياتي يارب معنى جميل أوي يا جماعة المعنى الثاني "كهيعص"

المعنى الثاني معني التحدي يعني إيه؟؟ تعالوا يا كفار هنا بتقولو القرآن دا مش من عند ربنا طب أدّي الحروف أهوه هاتولنا قرآن واحد بيقولك الطيارة إيه يعني طيارة؟؟ قولتلّه أدّي الحديدية أو الألومنيوم وأدّي الكراسي و أدّي و أدّي إعملنا طيارة بنا أهوه إعملولنا قرآن بقي عشان كدا "كهيعص" فيها معنى التحدي الرهيّب نتحداكم يا أهل الباطل الكلام دا وإنت بتقرأ الآية دي إنت قاعد تحس بيه نتحداكم يا أهل الباطل نتحداناكم لن تنتصروا على الله ولن تنتصروا على الحق مهما عملتوا لن تنتصروا على من خلقكم ولا على دين الله الحق ، يبقى أول معنى معنى ال إيه ؟ هاااه قول معايا قووول ياااض أول معنى الإستسلام مش فاااهم وهعبدك برودو يااارب ،، ثاني معنى معني هاااه التحدي التحدي ورونا نفسكو بقى أدّي الحروف أهّي ، ثالث معنى الثقة في الله يعني إيه؟؟ يعني هو إنت مش فاهم طب ممكن تكون مش فاهم بس هو الكلام ملوش معنى صح ولا لا؟؟

طب هو ملوش معنى ؟ لا له معني صح ولا لأ ؟ طب هو له معنى وأنا مش فاهمه بس أنا وااااثق إن له معنى يبقى التربية على الثقة في الله تربيتك إنك تبقى واثق في ربنا ، إنك تبقى ماشي في طريق ربنا وإنت واااثق أنه لن يصيبك إلا الخير ولن تصل إلا للخير أنا مش فهم يارب بس أنا واثق إن الحروف دي وراها معاني عظيمة وإن الحروف دي وراها آيات باهرة ولكن مش معنى إن أنا مش فاهم إن أنا لن أثق في الله سبحانه وتعالى أنا واثق في دينك يارب أنا واثق في إعجاز قرآنك يارب أنا واثق إن الكلام دا من عندك يارب أنا واااثق إن الكلام دا وراه معاني عظيمة يارب إنك تبقى واثق في منهجك إنك تبقى واثق في طريقك إنك تبقى واثق في الطريق اللي إنت ماشي فيه واللي إنت مسلم أمرك له واللي إنت رابط مصيرك في الدنيا والآخرة بيه كهيعص ﴿١﴾ سورة في القرآن بدأوا هذه البداية بدأوا بالحروف المقطعة مجموع الحروف المقطعة 30 آية في 29 سورة ، حروف مقطعة يعني

الموضوع كبير يا جماعة 78 حرف إنت بتتبعد لله بتلاوتهم وأنت لا تعلم ما معناهم أصلاً يعني 780
حسنة من حروف لا إنت فاهمها ولا حد مننا يقدر إنه يزعم إن الآية دي معناها كذا دا عظمة مقام
الإستسلام لله والثقة في الله وتحدي للذين كفروا يبقى لما السورة تبدأ بحروف مقطعة معناها إن في
صراع بين الحق والباطل ومعناها إن إحنا نتحدى الباطل ومعناها إن فيه مشاعر الثقة يجب إنها تملأ
قلوبنا دلوقتي هنشوف أطفال بيجوا من غير أسباب دلوقتي هنشوف حاجات غريبة أوي يا جماعة
دلوقتي إحنا هندخل عاللم زي ما إتكلمنا في المقدمة المره اللي فاتت عالم جديد على قلوبنا (
ذكر رحمة ربك عبده زكريا) المره اللي فاتت إتكلمنا في الترابط ما بين السورة وبعضها في ملامح
متكلمناش فيها زي العلاقه بين أول السورة وآخرها " **ذِكْرُ رَحْمَتِ رَبِّكَ عَبْدَهُ زَكِرْيَا** ﴿٢﴾ شوف
السورة رحمااات الله بأوليائه لدرجة إنه بيعملهم معجزات دي البداية طب آخر السورة "وَكَمْ أَهْلَكْنَا
قَبْلَهُمْ مِنْ قَرْنٍ هَلْ تُحِسُّ مِنْهُمْ مِنْ أَحَدٍ أَوْ تَسْمَعُ لَهُمْ رِكْزًا ﴿٩٨﴾ شوية جثث معفنه مرمية تحت
الأرض **الركز** :: أصواتهم وهم بيخططوا ضد الحق أصواتهم وهم بيطلقوا كلابهم على الحق الركز له
معاني كتير أوي في اللغة الحاجة الراكرة الحاجة الراسخة لما كانوا ماسكين ومتبتين في الكراسي
بتاعتهم لما كان ليهم سلطان وهيلامااان فيبين كل دا دلوقتي ؟؟ اتنسفوا نفس واترموا تحت التراب
، يبقى إفتاح السورة بإنهمار رحمت الله على أوليائه وإختتام السورة بخسف الله لأعدائه يبقى دا
رابط ما بين البداية وما بين النهاية " **ذِكْرُ رَحْمَتِ رَبِّكَ عَبْدَهُ زَكِرْيَا** ﴿٢﴾ هتسمع دلوقتي بقى عن ربنا
قلبك هيدوب من الكلام عن رحمة ربنا ، رحمة ربنا لمين ؟ **ذِكْرُ رَحْمَتِ رَبِّكَ عَبْدَهُ زَكِرْيَا** ﴿٢﴾ رحمة
ربنا للي بيعبده لو ربنا قال رحمت ربك زكريا كانت فرقت عن **ذِكْرُ رَحْمَتِ رَبِّكَ عَبْدَهُ زَكِرْيَا** ﴿٢﴾)
هاااه إيه الفرق ؟؟ إيه الفرق؟ لو كانت كلمة عبده إتشالت إيه الفرق ؟ إيبهه ؟ الله ما شاء الله فيه ناس
هنا ما شاء الله يعني بتدبر كويس يعني بقى الرحمة دي حاجة خاصة بزكريا عليه السلام إمال لما ربنا
حط كلمة عبده فرقت إيه ؟ لما أقولك أنا سافرت من المنصورة لمصر طول الطريق قاعدين يدونا
عصاير وجوايز وفلوس وجوائز عمرات فإنت تقولي طب أنا عايز الكلام اللي أنت خدته أقولك إمشي
في نفس الطريق كل اللي هيمشي في طريق المنصورة القاهرة هياااخذ هي دي ، عشان كذا لما ربنا
قال **ذِكْرُ رَحْمَتِ رَبِّكَ** إيبهه ؟؟ **عَبْدَهُ** قبل ما يقول زكريا قال إشمعنا زكريا عليه السلام ؟ لأنه عبده
لأنه عبده لأنه تفانى في العبودية لله سبحانه وتعالى هتعبد هتااااخذ هتعبد هتشوف المعجزات
هتعبدي هتتنزل عليك العطااات رحمة ربنا لمين ؟؟ مدد ربنا لمين ؟؟ نصره ربنا لمين ؟؟ عبده يبقى
كلمة عبده تملئ قلبك أمل ، وتملي قلبك أمل إن كل اللي هيمشي في الطريق هياااخذ ، طب فيه

كلمة تانيه في الآية تملى قلبك أمل آآه **ذِكْرُ رَحْمَتِ رَبِّكَ** مش ذكر رحمة الله يعني إيه قيمة إن ربنا يقول لسيدنا محمد صلى الله عليه وسلم ربك ؟؟ يعني اللي زيه هيديه يعني زي ماهو ربه هو ربك إنت كمان زي ما هو رب زكريا هو ربك إنت كمان يعني إيه ؟ يعني لما أبوك كدا مثلاً مثلاً أخوك يقولك أبوك إيه كلمة أبوك دي ؟؟ مش يقولك أبوه يعني زي ما هو رضاه يعني ايه يا جماعة **ذِكْرُ رَحْمَتِ رَبِّكَ عَبْدَهُ زَكَّرِيَا ﴿٢﴾** هنا في جزاء من جنس العمل إن معنى كلمة زكريا أصلاً الترجمة لمعنى الكلمة بقى ، أي كثير الذكر وذكره الله برحمته لما أكثر من ذكر الله لما كنا بناخد الدورة التربوية في فن الذكر في عشر ذي الحجة كان عشان كدا إن علي قد ما تذكر ربنا وهتعيش بقلبك مع ذكر أسماء الله الحسنی في قلبك وعلى لسانك على قد ما ربنا هيدكرک برحماته يااا سلاااا مين فينا اللي كل يوم يقعدله ساعتين ثلاثة كدا يذكر ربنا أول النهار أو في أي وقت من أوقات اليوم **ذِكْرُ رَحْمَتِ رَبِّكَ عَبْدَهُ زَكَّرِيَا ﴿٢﴾** مضطرين نسيب الآية إنتوا عارفين أبو سليمان بن الرامي لما كان يقول إني لأمكث في الآية أربع ليالي أو خمس ليالي فلا أتركها إلا بأن إيه؟؟ أقطع الفكر فيها لأنك كل ما تدخل علي القرآن هتلاقي كنوز هو دا معنى كلمة **بسم الله الرحمن الرحيم** قبل كل سورة يعني إيه بسم الله الرحمن الرحيم ؟؟ يعني فين الرحماااا؟ يعني فين أثار إسم الله الرحمن الرحيم هنا؟ عارف يعني مثلاً لما أقولك روح دور على بتروا في الأرض دي الأرض دي فيها بتروا لو دورت وملقتش يبقى المشكلة فين ؟؟ فيبيك إنتااااا ،يبقى بسم الله الرحمن الرحيم معناها يعني لو دخلت السورة ومخرجتش برحمات تغيرلك حياتك يبقى المشكلة فيك إنت يبقى علشان كده مش بسم الله العزيز الجبار مش بسم الله ال ، لأ ، الرحمن الرحيم اشمعنا فيه هنا رحمات فيه هنا كنوز لازم تدخل الآيات وأنت واثق ولكن هنضطر نقطع الفكر في الآية لأن إحنا قدامنا صفحة ونص انهارد ايشروا يا جماعة مركزين معايا الأخوات مركزين معايا ، ها الحمد لله والشكر لله الأخوة مركزين مركز ياه ها فهمتم يعني لو قومتم واحد منكم قولت له اشرحلي **ذِكْرُ رَحْمَتِ رَبِّكَ عَبْدَهُ زَكَّرِيَا ﴿٢﴾** حيقوم يشرح مين فيكم حيقوم يشرح أستاذ ياسر صور المنظر اللي قدامي ده ده الله يكرمك كده صور الفضيحة اللي حصلت قدامي دي مين فيكم يقدر يقوم يشرح يا رجالة ماشاء الله لا قوة إلا بالله فيه اتنين رفعوا أديهم أبشروا يا جماعة إن شاء الله و ياذن الله مستقبل ، إن شاء الله بكره تشوفوا السلفين إن شاء الله

إِذْ نَادَى رَبَّهُ نِدَاءً خَفِيًّا ﴿٣﴾ إذ دي اللحظة الفارقة كلمة إذ دي لما تقرأها في القرآن حط تحتها كده في قلبك اللحظة الفارقة اللحظة اللي ربنا رضا عنك فيها متعرفهاش أنت متعرفش اللحظة اللي

ربنا رضا عنك فيها متعرفيش اللحظة اللي ربنا غفر لك فيها ممكن وإنتي مرة بتقومي الليل وانفعلي وجأرتي إلى الله وهتفتي وعنيكي دي نزلت دموع بلت الأرض من كثر الأنفعال بتاعك ممكن اللحظة دي حتعرفها إمتى يوم القيامة وحتفضل تفتكرها وتنضر بيها إمتى ؟ فى الجنة ، إذاً اللحظة اللي ربنا بيرضا عن العبد فيها اللحظة اللي ربنا بيصطفى العبد فيها ودي فى سورة مريم ثلاثة: 1- **إِذْ نَادَى رَبَّهُ نِدَاءً خَفِيًّا ﴿٣﴾** 2- **إِذْ انْتَبَذَتْ مِنْ أَهْلِهَا مَكَانًا شَرْقِيًّا ﴿١٦﴾** ، 3- **إِذْ قَالَ لِأَبِيهِ يَا أَبَتِ لِمَ تَعْبُدُ مَا لَا يَسْمَعُ وَلَا يُبْصِرُ وَلَا يُغْنِي عَنْكَ شَيْئًا ﴿٤٢﴾** يبقى إذاً العمل اللي حيرضي ربنا عنك أنت متعرفوش أنت عملته ولا لسه متعرفش العمل اللي هتخش الجنة بسببه حيقي إيه اقتنصوا كل عمل صالح يا جماعة **إِذْ** اللحظة الفارقة اللحظة اللي من أجلها مَنَّ الله عليهم بالرحمات ، **إِذْ نَادَى رَبَّهُ** : يعني **إيه كلمة نادى وليه مش كلمة دعا**؟؟ عارفين لما يقولك نداء إلى أصحاب القلوب الرحيمة يعني لو واحد فى كرب الكرب نداء ، عارفين لما كان حكام العرب يقولوا لصدام حسين أيام ما احتل الكويت أناديك يعني فيه وجع ، **إِذْ نَادَى رَبَّهُ** ، عارفين كلمة النداء دي يا جماعة واحد بيهتف بالله عارفين لما دولة تحتل دولة تقوم توجه نداء لدولة قوية أغيثونا أنقذونا نداء دي معناها أن الهاتف ده خارج من أعماق أعماق قلبه نتعلم إزاي ندعي ربنا ، يبقى **نتعلم إزاي نادى ربه مش إزاي نادى الله** ، **نادى ربه اللي كل نعمة فى حياته منه** اللي ياما شاف الخير من عطاياه اللي محدش أداه غيره اللي لحم كتافه من نعمه ، إنك تعرف أنت بتدعى مين ميجيش واحد يقولى أنا مستهلش إن الدعاء بتاعي يستجاب أنت ربنا بيديك لأنك تستاهل ؟ وهو ربنا أداك 120 ألف جزء المكونين لخلقك فى بطن أمك لأنك أنت تستاهل ؟ وهو ربنا شفاك من كل مرة مرضت فيها فى حياتك لأنك أنت تستاهل ؟ وهو ربنا رزقك من وأنت جنين لحد دلوقتي كل يوم لأنك أنت تستاهل ؟ **ده لأنه ربك** ، **إِذْ نَادَى رَبَّهُ** ، يبقى إذاً لما بيغلب عليك حسن الظن بالله أنت حتى وأنت عاصي أنت بتنادي ربنا سبحانه وتعالى ، **إِذْ نَادَى رَبَّهُ نِدَاءً خَفِيًّا ﴿٣﴾** : **نِدَاءً خَفِيًّا** ، التوكيد اللفظي هنا معناه مداقش حرارة النداء وقوة النداء وكان نداء خفياً **ليه نداء خفياً ؟** يا جماعة ليه أخف النداء بتاعه ؟ واحد عنده 90 سنة واقف يقول يارب ولد يارب ولد يشيل الدين من بعدي يارب مراته عاقر من وهي عندها 15 سنة وهو خلاص قصة وخلصت يا جماعة تخيل كده لو واحد سمعه ممكن يقول عليه إيه؟ طب هو ده السبب ؟ لأ فيه سبب أعظم عارفين إيه ؟ افرض لم يكن الخير ليه أن ربنا يجيب دعائه فربنا لم يستجب ربنا قادر بس افرض الخير أنه لا يجيب دعائه الناس تقول أنه بعد 90 سنة خدمة ربنا مدلوش أن بعد 90 سنة عبادة نادى ربنا وربنا مدلوش خايف أن يُساء الظن بالله ، يبقى **نادى رَبَّهُ نِدَاءً خَفِيًّا** " خايف على

صورته ولا خايف إن حد يسيئ الظن بالله وهو هذا حب الله سبحانه وتعالى، سورة مليانه حب لله زى ما حنبداً المرة اللي بعد الحاية إن شاء الله **وَاذْكُرْ فِي الْكِتَابِ مَرْيَمَ** حنتكلم على أن بداية اصطفاك حب الله سبحانه وتعالى لك، **قَالَ رَبِّ إِنِّي وَهَنَ الْعَظْمُ مِنِّي وَاشْتَعَلَ الرَّأْسُ شَيْبًا** " قال رب رب سيدنا زكريا ذكرت قصته في القرآن 3 مرات ، ال3 مرات هم نفس المواقف وهو يدعوا الله سبحانه وتعالى **الموقف الأولانى** في سورة إيه ها يلا يا أسود ، آل عمران " **كُلَّمَا دَخَلَ عَلَيْهَا زَكَرِيَّا الْمِحْرَابَ وَجَدَ عِنْدَهَا رِزْقًا قَالَ يَا مَرْيَمُ أَنَّى لَكِ هَذَا قَالَتْ هُوَ مِنْ عِنْدِ اللَّهِ إِنَّ اللَّهَ يَرْزُقُ مَنْ يَشَاءُ بِغَيْرِ حِسَابٍ** " **هُنَالِكَ دَعَا زَكَرِيَّا رَبَّهُ** " هنالك دعا زكريا ربه واقف يارب ، **المرة الثانية** في سورة الأنبياء " **وَزَكَرِيَّا إِذْ نَادَى رَبَّهُ رَبِّ لَا تَذَرْنِي فَرْدًا وَأَنْتَ خَيْرُ الْوَارِثِينَ** " " يبقى رافع إيديه ويقول يا رب ، **المرة الثالثة** " **إِذْ نَادَى رَبَّهُ نِدَاءً خَفِيًّا ﴿٣﴾** سورة مريم ، يعني تخيل سيرة سيدنا زكريا عليه السلام لم يذكر فيها كل تفاصيل حياته العظيمة وإنما ذكر فيه الدعاء منظر زكريا عليه السلام وهو رافع إيديه ويقول يا رب ده المنظر اللي القرآن بيرسخه في قلب اللي يقرأ القرآن ، منظر سيدنا زكريا عليه السلام وهو يقول يارب أن إحنا نعرف قيمة الدعاء ، يا جماعة إحنا مبتدعيش مش مبتدعيش صح لما واحد يقولك اصل أنت تبدأ بالثناء على الله يا عم أنت مبتدعيش أصلاً ، يا إخوانا حناخد دلوقتي سيدنا زكريا عليه السلام كان بيدعي ربنا قد إيه يعني إيه دعاء ، الدعاء اللي يغير حياتك ده الجرعة بتاعته قد إيه إحنا مخبولين في صفقة الدعاء ، **إِذْ نَادَى رَبَّهُ نِدَاءً خَفِيًّا ﴿٣﴾** **قَالَ رَبِّ إِنِّي وَهَنَ الْعَظْمُ مِنِّي وَاشْتَعَلَ الرَّأْسُ شَيْبًا وَلَمْ أَكُنْ بِدُعَائِكَ رَبِّ شَقِيًّا ﴿٤﴾** **واشتعل الرأس** :اشتعل دي نار مش شيب راسي فيها نار يارب راسي فيها حريقة يارب نار مولعة في راسي اللي هيا الشيب هي النار في رأس سيدنا زكريا عليه السلام ولا النار في قلبه؟ النار في قلبه النار وهو يبص لنفسه ويلقي اشتعل الرأس ، **إيه الفرق بين اشتعل الرأس واشتعل الشعر شيئا ؟؟** إيه أيوه اللي هيا يعني معناها إيه؟ الرأس يعني شعر الراس وشعر حواجبه وشعر شاربه وشعر لحيته يعني وشه ده بقى حاجه كده تهامة بيضاء عليه الصلاة والسلام يعني علشان كده **وَهَنَ الْعَظْمُ مِنِّي** ، بعض العلماء المفسرين قالك العظم ده أي الأسنان مش بس عظم الجسم وهن ده سنانة وقعت يعني تخيل سيدنا زكريا عليه السلام وصل من الكبر لدرجة إيه ؟ يقوله نار يارب نار في شعر رأسي هي النار في قلبه نار حزنه على أن العمر بيخلص ولسه مشبعش من عبادة ربنا نار أنه حاسس أن الواقع عايز مجهود قاتل ومفيش رجالة تشيل وهو ميقدرش يشيل لوحده ، أعرفوا بقى هموم الأنبياء تعالوا ندخل جوه قلب نبي ، تعالوا ندخل جوه قلبه ونشوف هو يفكر إزاي؟ ويعمل إيه؟ ، **وَاشْتَعَلَ الرَّأْسُ شَيْبًا** يقيناً كل مرة كان يبص فيها في مرآه ويشوف

شعره وهو مشتعل شيباً كده كان قلبه بيشتعل من منظر اشتعال رأسه ولكن اشمعنا المرة دي ؟ إيه
اللي قلب الأوضاع ؟ يا جماعة اللحظة الفارقة في حياة سيدنا زكريا عليه السلام في كبره وهو عنده
90 سنة لما دخل على البنت الصغيرة التلميذة بتاعته اللي اسمها مريم عليها السلام علشان يتعهدا
تربوياً ولقى عندها معاني غريبة معاني عظيمة في معرفة الله ولقى عندها رزق الشتاء في الصيف
والصيف في الشتاء " قَالَ يَا مَرْيَمُ أَنَّنِي لَكَ هَذَا قَالَتْ هُوَ مِنْ عِنْدِ اللَّهِ " قال للناس هو من عند الله ياما
كلم الناس عن ربنا ولكن أنت محتاج تسمع حتى لو المعاني الإيمانية دي جوه قلبك أنت محتاج
تسمع حتى لو أنت بتكلم الناس عن ربنا كل يوم ، زكريا عليه السلام النبي كلمة خرجت من فم فتاة
عندها 13 سنة غيرت له حياته فجرت في قلبه معاني الثقة في الله رغم أن المعاني دي في قلبه ولكن
أنت محتاج تسمع يا بني اللي عازف عن حضور الدروس ياللي عازفه عن حضور الدروس يا للي أنت
معانا ويقالك أسبوعين مجتث ياللي أنت منتيش عارفة قيمة الدرس وحضور الدروس سواء ده أو
لسائر الدروس أو لسائر الدعاة وسائر المعلمين ياللي منتاش عارف قيمة أنك تسمع شوف نبي حياته
حصل فيها مفرق إزاي بسبب كلمة سمعها من فتاة مؤمنة بتتربى على قد إيه ؟ علشان تعرف السماع
ممكن يقلب حياة الإنسان قد إيه سيدنا زكريا عليه السلام يقيناً كان يبص لمنظر الشيب خايف
حموت وحسيب الدعوة لمين يا رب جعل إيه يا رب مين حيشيل بعدي يارب لحد لما سمع كلمة
هُوَ مِنْ عِنْدِ اللَّهِ وشاف السيدة مريم عليها السلام وبصلها ودموع الأمل والألم اتفجرت في عنيه وهو
بيقول لو ولد زي دي ها بس ولد لو زي دي ها في الإيمان والعزيمة بس راجل يقدر
يشيل ويحرر المسجد الأقصى يقدر يجدد الدين في الأمة لو ولد وزكريا عليه السلام يسمع هُوَ مِنْ
عِنْدِ اللَّهِ يهرع إلى المحراب بتاعه ويقف يصلي يقول رب اشتعل الرأس شيباً يارب معدتش قادر
أشيل معدتش قادر أشيل الدعوة يارب أنا ضعفت وكبرت والدعوة محتاجة مجهود رهيب وَلَمْ أَكُنْ
بِدُعَائِكَ رَبِّ شَقِيًّا شريط ذكريات اتفجر في قلبه وهو قاعد يفتكر مرة مرة رفع فيها إيديه لربنا وربنا
استجاب له دعائه فيها وهو قاعد يفتكر مرض مرض بعد كلمة يارب صرفه شريط ذكريات عمره كله
وهو بيفتكر ازاي كان السلاح الوحيد اللي كان يواجهه بيه كل مشكلة في حياته طول عمره كلمة
يارب ، يارب أنا ياما دعيتك وأدنتي ، انهاردة بدعوك دعاء مفيش بديل عنه مفيش مناص عنه ، "وَإِنِّي
خِفْتُ الْمَوَالِيَ مِنْ وَرَائِي : لو أنا مت محدش حيشيل يارب لو أنا مت محدش يقدر يشيل الدعوة دي
، وَكَانَتْ امْرَأَتِي عَاقِرًا : السكة مقفولة بالضبه والمفتاح يارب مفيش أسباب زوجتي عاقر مبتخلفش
دي عاملة زي الأرض البور يارب مبتطلعش لا يمكن حتطلع لا يمكن حتتج طب والحل إيه فَهَبْ

لي من لَدُنكَ وَلِيًّا " ، "هَبْ لِي" من عندك بلا أسباب من لَدُنكَ بلا أسباب وليًّا ، أنا عاوز حد يارب يليني في أمر الدعوة أنا عاوز ولي من أوليائك أنت، أنت اللي تتولى تربيته أنا عايز يارب أنا عايز حاجة عظيمة أديني واحد بس ينفع يقود الجمع ده التيار متمزق يارب التيار متعصب يارب التيار كله جماعات متناحرة الواقع بتاع زكريا عليه السلام نفس الواقع بتاعنا دلوقت بالظبط اليهود متمزقين جماعات بيقولوا نعود إلى النصر ودول بيقولوا نواجه الواقع بالسياسة ودول بيقولوا نعتصم في الصوامع ونقعد نعبد ربنا الواقع ممزق والمتعصمين مينفعوش قادة إحنا عايزين يقود كل دول ونوجههم للنصر يارب ، **يَرْثِي وَيَرِثُ مِنْ آلِ يَعْقُوبَ** هبنيه طوبة طوبة جعلمه كل آية علمتها لي حبعته لكل عالم من العلماء يربيه وبنينه **وَاجْعَلْهُ رَبِّ رَضِيًّا ﴿٦﴾** ، **" يا زَكَرِيَّا إِنَّا نُبَشِّرُكَ** :الله أكبر الدعوة استجيب زكريا عليه السلام قبل ما يخلص الركعتين الملائكة تنزلت عليه بالإجابة افرح يا زكريا قَر عينا يا زكريا أفرح إنا نبشرك ، الملائكة نازله فرحانة بفرح هذا العبد الصالح ، أن الملائكة تفرحلك أن الملائكة من حبها ليك تفرح بتفريج كرباتك

يا زكريا عليه السلام ، نعم يا زكريا عليه السلام إنا نبشرك ، تبشرني بإيه يارب تبشرني بمغفرة ذنوبي ولا تبشرني بأنك تبت عليا ولا تبشرني أن أنا حيفتح عليا في العبادة أكثر تبشرني بإيه، إنا نبشرك بغلام غلام يارب إزاي قال رب أني ، أني يا زكريا ده أنت لسه طالبه يارب مهو إزاي يارب مهو أنت تقدر إنما أنا مستهلش أنك تكسر سنن عشانني أنا ذنوبي أكثر من أني أخذ ده ياما أنت كريم يارب مش عارف أقول إيه امرأتي عاقر أومال رافع إيديك ليه أومال بتدعي ليه واحد أعمى واقف يقول يارب خليني أشوف ياعم أنت بتقول إيه مستحيل مستحيل عند مين وصعب على مين أنت عارف هو بيدعي مين

ابتلاء أنه ساعة لما يكون في أسباب بنقف ونقول يارب ولما يكون مفيش أسباب مبنطلبش من ربنا كام واحد مشلول بيقول يارب أنا عايز أتحرك كام واحد أعمى بيقول يارب أنا عايز أشوف كام واحد أصم بيقول يارب أنا عايز أسمع مبيطلبوش ليه ليه لأن الطب بيقول مستحيل فالناس لما لقت مفيش أسباب اتعلقت قلوبهم بالأسباب ومطلبتش من ربنا كأن اللي خلق الأسباب خلقها علشان تحكمه هو مش علشان تحكمك أنت لأ ده الأسباب بتحكمك أنت مش بتحكم اللي خلقها ، كام واحد عند اليقين ده يا جماعة هذا يقين **"هُوَ عَلَى هَيْنٍ"** أخت عندها 34 سنة سبحان الله العظيم البنت ديا اتقدم لها واحد وكانت يعني 34 سنة يعني احتمال أنها لا تتزوج احتمال كبير اتقدم لها واحد وعريس وفرحنا بيه جداً وأجراءات كتب الكتاب ها علشان يخذوا الإجراءات فطلبوا منها البطاقة والدة

العريس شافت البطاقة ومكنتش تعرف سنها فلما عرفت اتصدمت إن عندها 34 سنه أتصلت بيها قالت حرام عليك عايزه إيه من ابني هو أنت حتعرفي تخلفي في السن ده إزاي حرام عليك إبعدي عنه ، انهارت وحست أن هي مش حتقدر أن هي ترتبط بيه وانفصل الموضوع وذهبت هذه الجوازه راحت عليها مهمومة ، ابتلاء العنوسة ده يا جماعة أشد من ابتلاء السرطان ربنا يزوج كل أخواتنا الذين لم يتزوجوا يارب اللهم آمين فاقاعده فلقت واحدة قاعدة جنبها بتقرأ "وَلَسَوْفَ يُعْطِيكَ رَبُّكَ فَتَرْضَى" فأنهمرت في البكاء فاللي جنبها قالتلها بتعطي لي حكتلها فقالتلها أبشري إن شاء الله مش حيسيبك الله مش حيسيبك فقلبلها اتملاً بالأمل ، في الحرم فرجعه في الطياره فعادي واحد راكب جنبها عادي رجعت أقاربها مستنينها فها فطلع اللي راكب جنبها عارف ده، انتوا جاينين لي عشان فلانة قاعدة طبعاً في الطائرة يعني أخلاقيتها انضباطها إلزامها فوجئت إن بالليل هذا الشخص بيتصل عشان يتقدم ليها إنت بتقدملي أنا ده أنا عندي 34 سنة وماله بس أنا يعني كبرت أنا هخلف إمتي وهخلف قد إيه وماله واتجوزوا بعد شهور رايحة للدكتوراه عشان تبدأ تشوف تحمل إزاي الدكتوراه قالتلها إنتي فعلاً حامل نفسك في ولد ولا في بنت من خوفها مش قادرة إنها تكشف ولد ولا بنت ولد ولا بنت قالتلها إيه رأيك بقى ولدين وبنت إنتي حامل في ولدين وبنت سبحان الله العظيم رزقت الزواج وأول حمل ليها "هُوَ عَلَيَّ هَيْنٌ" يا جماعة هو ربنا لما يريد إنه يدي ، بيقف أمامه أسباب ؟! هو إنت لأن مشكلتك صعبة في ميزان البشر يبقى صعبة على ربنا هو عليّ هين لا دي مصيبة ومشكلة وملهاش حل لكن عند ربنا هين ولا ليها أي حاجة الشاب اللي مراته خلقت بنت في بنت في بنت في بنت قالها لا بقى حملت ف المرة الخامسة قالها لو طلعت بنت هطلقك وإنتي في المستشفى وإنتي في المستشفى بتولدي هطلقك من خوفها ومن رعبها مقدرتش إنها تعمل حتى سونارتشوف ولد ولا بنت بعد الولادة لقت جميعها ولدين بعد كده حملت جابت ولدين بعد كده حملت جابت ولد يبقوا كده كام ولد ، خمس ولاد بعد أربع بنات ربنا قادر وهو الولد مش أحسن من البنت والبنت مش أحسن من الولد ولكن إن ربنا يوربنا الآيات هو عليّ هين الله قادر على كل شئ الله قادر يعني ربنا لما يشاء هتلاقي العطاءات بتنهمر عليك من عنده **وَقَدْ خَلَقْتُكَ مِنْ قَبْلُ وَلَمْ تَكْ شَيْئًا ﴿٩﴾** إذا كان خلقتك من عدم مش هقدر أديك من غير أسباب إذا كنت إنت مكنتش شئ أصلاً مقدرش في اليوم من الأيام أديك من غير أسباب **قَالَ رَبِّ اجْعَلْ لِي آيَةً** ، يارب يذكريا تلت تيام ومراتك هتبقى حامل تسع شهور وهتشيل إبنك وتبقى ماشي كده خمسة وتسعين سنة ماشي في الشارع ومراته عندها سبعين سنة وسنانه وقعت وشعره كله أبيض من كل ناحية ومراته ست كبيره ضهرها اتنى وماشينين

شايلىن عىل وقاعدىن يلاعبو كده فواحد يقوله ياعم الحج ده حفيد حفيد حفيدك ده ولا إيه
قاله يا ابني ده ابني البكري قاله إيه قاله ابني البكري ، ده إبنك البكري ، سبحان الله عشان كده "
فَخَرَجَ عَلَى قَوْمِهِ مِنَ الْمِحْرَابِ فَأَوْحَى إِلَيْهِمْ "أَنْ إِيه أَنْ سَبِّحُوا بُكْرَةً وَعَشِيًّا" ﴿١١﴾ ، سبحوا ليه أنا
شوفت ثمرة التسبيح في حياتي سبحوه عشان يديكو زي ما اداني افرض إنت جالك مرض صعب
أوي ولقيت على الدكاتره واتبهدت وطلعت عنيك وأيام وليالي لا تنام من الآلام وأموالك انفقت
أنت في النهاية رايح لدكتور قالك خد الحباية دي يابني خدت الحباية صحيت الصبح هتمشي تكلم
الناس عن الحبايي دي إزاي ده الحباية دي قلبت حياتك هي دي الحباية اللي سيدنا زكريا عليه
السلام بيكلم الناس عنها يا جماعة تبات نار تصبح عمار بسبب كلمة يارب في التلت الأخير من
الليل تبات نار تصبح عمار بسبب كلمة يارب في التلت الأخير من الليل هو شاف ثمرة العبادة في
حياته وهي دي النقطة إنك إنت مش هينفع داعية وانت بتكلم الناس عن حاجة مشوفتهاش انتوا
متخيلين يا جماعة لو الواحد مجربش إجابة الدعاء يقدر يكلم الناس عن إجابة الدعاء لو الواحد
مشفش ربنا بيدي إيه للي بيعبدوا يقدر يكلم الناس عن ثمار عبادة ربنا هي دي النقطة إن إحنا نخرج
للعصاة وإحنا موقنين باللي إحنا بنقوله يابني مجرب وناجح عارفين ختم مجرب وناجح اللي أول ما
واحد يبقى في مشكلة تقولها الحل ده مجرب وناجح يقوم رافعلك الراية البيضاء طب قولهلولي لوجه
الله الدوا ده مجرب وناجح طب هاتهلولي لوجه الله يابني مجرب وناجح يابني انا وأنا بكلمك عن
إجابة الدعاء أنا كنت في مصايب وربنا قلبها غيرها لفتوحات العمر بسبب كلمة يارب يابني العبادة
غيرت كل حاجة في حياتي أنا كل ساعة إديتها لربنا عبادة إداني بيها عمر فوق عمري بس عمر كله
بركة وكله سداد يا إخوانا لازم بكون الكلام ده معاني في حياتنا مش كلام قاريناه بنديه للناس مش
كلام قاريناه بنكلم الناس فيه فده معاني عمرنا "**قَالَ رَبِّ اجْعَلْ لِي آيَةً**" يا زكريا تلت تيام مراتك
هتحمّل تلت تيام وتسع شهور وسنين وهيقى راجل جمبك يسندك في الدعوة إليه قاله يارب طب
اجعلي آية اعرف لما تحصل إن مراتي حملت "**قَالَ آيَتُكَ أَلَّا تُكَلِّمَ النَّاسَ ثَلَاثَ لَيَالٍ سَوِيًّا**"
متخافش يا زكريا سيدنا زكريا عليه السلام كان مرتبط بالدعوة ارتباط رهيب ربنا بيظمنه إنت مش
هتتكلم بس ده مش علطول ده هما تلت ليالي بس تلت ليالي ، سيدنا زكريا عليه السلام فخرج
على زوجته من المحراب يعني هو دلوقتي مراته حملت ولا لسه لسه وخارج يقول للناس سبحوا ربنا
طب إفرض محملتش ينفع! استغفر الله العظيم وأتوب إليه الثقة في الله شوفتوا اليقين لأنه خد الوعد
ولسه مشفش التنفيذ بيتعامل على إنه يقين إنت تتعامل مع وعد الله على إنه يقين هو ده الإنسان

السعيد في حياته يا جماعة عشان كده ما أُعْطِيَ أحد عطاء بعد اليقين خير من العافية اليقين إنه مصدق ربنا سبحانه وتعالى وتختتم القصة بتاعة زكريا عليه السلام على آخر مشهد في القرآن في قصة زكريا عليه السلام فخرج على قومه من المحراب سيدنا زكريا عليه السلام خارج على قومه بينادي ويبلغ الناس بيهتف من المحراب اللي كان بيعبد ربنا فيه فأوحى إليهم مبيتكلمش بلسانه قاعد يقولهم يعني حاجات اشارات تفهمهم قاعد يقولهم اشارات تفهمهم أَنْ سَبِّحُوا بُكْرَةً وَعَشِيًّا ده المشهد الأخير في حياة سيدنا زكريا عليه السلام في القرآن وده من ابداعات الله إن دايماً المشهد الأخير في حياة النبي يعني إيه المشهد الأخير يعني جمع قصة سيدنا إبراهيم عليه السلام في القرآن كله آخر مشهد في القصة زمنياً أنهى مشهد حد يعرف؟ يقول زمنياً "وَأَذِّنْ فِي النَّاسِ بِالْحَجِّ يَأْتُوكَ رِجَالًا" بعد كل الجهاد الرهيب ودخل النار وقابل النمرود وواجه قومه واتحكم عليها وهاجر في الأرض وقابل حاكم مصر الظالم والمشهد النهائي في الفيلم بقى بتاع قصة إبراهيم عليه السلام وهو ينادي والناس تقبل على الكعبة من كل مكان في الأرض أخيراً التوحيد رجع للأرض أخيراً الناس أقبلت على ربنا تاني ، أخيراً الشباب عايز يتوب تاني أخيراً الأمة عايزة ترجع لربنا تاني أخيراً الأمة بتختار شريعة ربنا على كل شئ تاني المنظر النهائي المفرح ثمرة جهاد إبراهيم عليه السلام المنظر النهائي في حياة كل نبي رهبة المنظر النهائي في حياة سيدنا موسى عليه السلام آخر مشهد زمنياً لو رتبنا قصة موسى عليه السلام في القرآن كلها ها في سورة المائدة لما قالوا إيه "إِذْ هَبْ أَنْتَ وَرَبُّكَ فَفَاتِلًا" ، "فَقَالَ رَبِّي إِنِّي لَا أَمْلِكُ إِلَّا نَفْسِي" آخر مشهد سيدنا موسى عليه السلام يبص لفلسطين وبينه وبين فتحها شوية رجالة يشيلوا القضية كل اليهود باعوا القضية سيدنا موسى عليه السلام يموت معهم دون أن يدخل فلسطين يموت وينظر للأرض المقدسة منظر رهيب يا جماعة منظر بيفجر مشاعر رهبة في القلوب آخر منظر في حياة سيدنا زكريا عليه السلام لو جمعنا مشاهد حياته آخر منظر وهو خارج يقولهم سبحوا بكراً وعشياً وربنا بيديله يحيى وبعد كده تختفي قصة سيدنا زكريا عليه السلام ونفاجئ إن ربنا بيكلم يحيى "يَا يَحْيَى خُذِ الْكِتَابَ بِقُوَّةٍ" كان ربنا اتسلم يحيى من زكريا عليهما السلام ، حتى لو إنت مقدرتش تربيته أو كبرت أنا اللي هربيه أنا اللي هربيه أنا اللي هعلمه وربنا بيدأ قصة يحيى "يَا يَحْيَى خُذِ الْكِتَابَ بِقُوَّةٍ" والشاشة تنتقل لمشهد تاني خالص وبتنتقل لبطل تاني ربنا بيقولك إنشاء البطل ده إزاي؟ ربى البطل ده إزاي وعلم البطل ده إزاي؟ كان الدعوة بتاع زكريا عليه السلام بتستجاب في يحيى ، أسلوب رهيب يا جماعة أسلوب القرآن في التوصيل الفني ، أسلوب رهيب الذين ينكرون قيمة الفن في الحياة ، النبي عليه الصلاة والسلام كان له منبر في المسجد النبوي

معملش منبر تاني غير لواحد بس حد عارف هو مين منبر تاني النبي عليه الصلاة والسلام ، عمله
لواحد حد عارف هو مين حسان بن ثابت الشاعر إن النبي صلى الله عليه وسلم أكرم منبرين منبر
للدعوة إلى الله ومنبر لتوصيل الدعوة من خلال الفن الإسلامي مش الشعر ده فن ولا مهوش فن النبي
عليه الصلاة والسلام لما قاله أرجعهم لروح القدس يؤيدهم جبريل نزل من سبع سماوات يؤيد النبي
عليه الصلاة والسلام مرة ويؤيد شاعر فنان إسلامي مرة إن إحنا نعرف قيمة إن إحنا نعيش بالدين مش
إن إحنا نخلي الدين تابوت يقفل على الناس نخرج بره نقول طب ماهو ده الدين طب وبعدين طب
هو هيقبلك إزاي هو هيقبل منك الدين إزاي إنك إنت تدرك عظمة الدين ده إن إحنا نفجر معاني
الحياة اللي جوه القرآن والسنة ونقدر نعيش بالدين ودي الرسالة بتاعتنا يا جماعة اللي إحنا بنحارب
فيها في الدرس ده بقالنا سنة إن إحنا نطلع ملتزم يقدر يعيش بالدين سعيد ملتزم متوازن نفسياً ملتزم
مهواش معقد، مهواش مكتتب من جوه، مهواش مضغوط من جوه، ملتزم واثق في الطريق اللي هو
فيه، ملتزم شخصيته جميلة مُنطلق، نفسيته حلوة يشتغل مع إخوانه ويحبهم يخدم الناس كلها مُقبل
على الحياة مُقبل على عبادة الله، معندوش تعارض ولا سلوك داخلة في بعضها ما بين الدين والدنيا،
وما بين التوكل والأسباب، إن إحنا نخرج ملتزم فرحان مُش ملتزم وأول ما يخرج من باب الجامع
فاشل مُحبط مُكتتب، ملتزم بيعرف يتعامل مع غيره الملتزمين ويعرف يتعامل مع النصارى ويعرف
يتعامل مع معاصي السر لما بيقع فيها ويعرف يتعامل مع الشباب الغير ملتزم اللي واقف على نصية
الشارع بيعصي ربنا، ملتزم عارف يتعامل مع الحياة، ملتزم له نصيب في كل مكان يروح فيه هو ده
الشخصية اللي القرآن بيصلحها إنك إنسان قابل للحياة إنسان مؤهل لأن تعيش سعيد وأن تُعيش كل
من يرتبط بيك يبقى سعيد، قصة كبيرة وموضوع كبير وإحنا لسه مبدأ ناش تفسير الآيات على فكرة،
ده كل ده إمام إجمالي للآيات يعني، وإحنا لسه ما مسكناش آية آية، أنا مش عارف هنعمل إيه بعد
العشا يا جماعة إنما إن شاء الله بإذن الله ربنا يكرمنا بإذن الله المهم انتوا فهمتوا، فهمتوا حاجه يعني
فيه حاجه وصلت بفضل الله يعني، يعني لو قولت واحد منكم يشرح أي آية من دول كام واحد يقوم؟
ما شاء الله لا قوة إلا بالله بقوا ثلاثه، أدن، أدن خيلنا نسمع كلمتين عن ربنا يصبرونا على اللي إحنا
فيه، الحمد لله وكفى وصلاةً وسلاماً على عباده الذين اصطفى أما بعد هنقف مع آيتين في قصة زكريا
وبعد كده ندخل في قضية يحبى، آية رقم 4 " قَالَ رَبِّ إِنِّي وَهَنَ الْعَظْمُ مِنِّي وَاشْتَعَلَ الرَّأْسُ شَيْبًا وَلَمْ
أَكُنْ بِدُعَائِكَ رَبِّ شَقِيًّا " " وَهَنَ الْعَظْمُ مِنِّي " إنتوا عارفين واحد راكب عربية 128 وعازي يسافر بيها
أمريكا وقفت في الطريق، العربية وقفت مني جسمي مش قادر إنه هو يعبدك العبادة اللي أنا نفسي

أعبدك فيها يا رب , لهفة المؤمن على عباده الله يا جماعة علشان كده سيدنا عيسى يقول لربنا يوم القيامة: تعلم ما في صحيفتي ولا أعلم ما في نفسك صح؟ إنما تعلم ما في نفسي لأن اللي جوه صحيفتي من العمل لا يعبر عن مدي رغبتني في عبادتك ومدى لهفتي على عبادتك يا رب فما قالش أنت شُفت أعمالِي الصالحة في الصحيفة, قال: أنت عارف اللي جوايا يا رب لأن اللي جواه أعظم من اللي عمله مليار مرة علشان كده سيدنا محمد عليه الصلاة والسلام كان يقول: **"وددتُ أني أقاتل في سبيل الله فأُقتل ثم أحيَا, فأُقاتل في سبيل الله فأُقتل ثم أحيَا, فأُقاتل في سبيل الله فأُقتل"** رواه البخاري ومسلم يقول يا رب أنا عمر واحد ميشبعش اللي جوايا علشان أنصر دينك أنا موته واحدة في سبيلك مترويش الظمأ اللي جوابا في طلب رضاك أنا يا رب عايز 100 عمر فوق عمري علشان أقدر أشبع من عبادتك يا رب علشان كده سيدنا سليمان مات واقف, سيدنا سليمان فضل سنة كاملة ميت وهو واقف, والجن مهماش عارفين وهما بينوا المسجد الأقصى مش عارفين إن هو ميت, مات واقف تخيلوا إنسان من عزيمته يفضل ميت واقف, واقف سنة كاملة ومحدث يدرك إنه ميت ليه؟معناه إنه كان يفضل واقف أد إيه في متابعة أعمال نصره دين ربنا سبحانه وتعالى, يعني الصبر بتاعه كان شكله إيه؟ يا خوانا قضية إن يبقى جواك شوق لعبادة ربنا علشان كده **"إِيَّاكَ نَعْبُدُ وَإِيَّاكَ"** إيه؟ **"نَسْتَعِينُ"** ليه إياك نستعين بعد إياك نعبد, إياك نعبد أنا هعبدك أنت بس يا رب, وإياك نستعين يعني العبادة اللي نفسي أعبدها لك عبادة مهولة زي **أويس القرن لما كان يقول: لأعبدن الله في الأرض كما تعبداه ملائكة السماء,** طيب هتقدر إزاي تعبد العبادة دي؟ إياك نستعين أنت اللي تقدر إنك تعيني يا رب, إنت اللي تقدر تيسر لي يا رب في أمر العبادة وتيسر لي للعبادة يا رب, قضية **"وَأَشْتَغَلَ الرَّأْسُ شَيْئًا"** إنك أنت تبص كده تلاقي خلاص, خلاص العمر راح طب وبعدين! أنا عايز أعبدك يا رب إن أنت يبقى همتك مش على قد صحتك, من آلام الصالحين علشان كده ثابت البناني رحمه الله يوم ما مات قال, مرض ما عايش قادر يعبد ربنا قال: **اللهم إني لم استطع أن أصلي كما أريد, وأن أصوم كما أريد, وأن أذكر كما أريد فاقبضني يا رب فمات في يومه** علشان كده أبو مسلم الخرساني كان محضر كبرياج لما رجله تُوقف وتورم يكرجها ويقولها: **قومي والله لأزحفن بك زحفا,** هتزحف بها إزاي؟ مش هينفع هي دي العاطفة اللي في قلبه هي دي عاطفته همته أكبر من صحته عشان كده قاتل المائة وهو رايح لأرض الهجرة والتوبة ويموت بقي يزحف ب صدره على الأرض طب أنت الزحف بتاعك ده هيعمل إيه؟ هو عارف إنه هيموت وعارف إنه مش هيقدر يوصل ولكن من شدة اللهفة اللي جواه علي التوبة مش قادر إنه يعمل حاجه غير كده إنه يزحف ويكمل

السكة زحف حتى لو مات وهو يبزحف إن إنت يبقى لهفتك على العبادة للدرجة دي، " **وَاشْتَعَلَ**
الرَّأْسُ شَيْبًا " العمر بيعدي يا جماعة بكرة واحد محرم يا جماعة بكرة بداية سنة جديدة، سنة كاملة
راحت من عمرِك ومن عمرِك عملت فيها إيه؟ السنة اللي فاتت دي قُمت كام ليلة في الـ 360 ليلة
صُمت كام يوم في الـ 360 يوم قعدت كام جلسة ضحى في الـ 360 جلسة ضحى السنة اللي فاتت
فيه ناس معنا قعدت السنة اللي فاتت 360 جلسة ضحى أو شيل خمسة للاحتياطي 355 جلسة
ضحى وفيه ناس معنا ولا صلى الفجر أصلاً يعني والعياذ بالله ربنا يهدينا ويهدي الجميع يا رب اللهم
آمين، عملت إيه؟ السنة اللي فاتت دي زدت إيه؟ قربت من ربنا قدإيه؟ فرقت معاك إيه؟ إخلاصك
زاد أد إيه؟ علمك زاد أد إيه؟ " **وَاشْتَعَلَ الرَّأْسُ شَيْبًا** " حريقه بس في القلب إن خلاص العمر خلص
يا حسرتي على كل ليلة راحت من غير قيام ، يا حسرتي على كل يوم راح من غير صيام، يا حسرتي
على كل ساعة راحت من غير ذكر، يا حسرتي على كل درس إيماني محضرتوش وكنت فاضي، يا
حسرتي على كل حلقة تحفيظ وتجويد كسلت عنها وكنت أقدر، يا حسرتي على كل فرصة لطلب
العلم رفضتها وكان ينفع، يا حسرتي على كل فرصة للدعوة إلي الله كسلت عنها وكان موجود صحة
وكنا هننزل مع بعض . ! احساس وانت بتحاسب نفسك بعد ما عمرك خالص ؟! احساس اليم أوووى
يا جماعة " **وَلَمْ أَكُنْ بِدُعَائِكَ رَبِّ شَقِيًّا ﴿٤﴾**، ـــ الله ! مين فيكم يقدر يقول الكلمة دي !!!
عارفين يعني إيه ولم أكن بدعائك ربي شقياً أ يعنى أنا عمري ما شقيت بسبب كلمة يااارب ! أنا
بسبب سعادتي في الحياه كلمة يااارب , علشان كده في تقديم بدعائك مش ولم أكن شقياً بدعائك
!! هي **وَلَمْ أَكُنْ بِدُعَائِكَ رَبِّ شَقِيًّا ﴿٤﴾** اشمعنا قدم الدعاء !! لأن التقديم يفيد الاختصاص يعني
بمعناها إن مفيش حاجة نجتنى من الكرب إلا كلمة ياارب , كله منفعش إلا كلمة يا رب اللي أنقذتني
بس _ ! بدعائك الباء هنا لو باء المصاحبة يبقى معناها إن الدعاء ده كان صاحبي ليل نهار يااارب
 , مين فيكم يا شباب يقدر يقول **وَلَمْ أَكُنْ بِدُعَائِكَ رَبِّ شَقِيًّا ﴿٤﴾** ???!! طب أنا هسألکم سؤال : هل
لو أنا مرضت مرض صعب خلاص مرضت مرض صعب وقولت يااارب اشفيني وربنا شفاني هقدر
أقول وَلَمْ أَكُنْ بِدُعَائِكَ رَبِّ شَقِيًّا ﴿٤﴾ هقدر؟؟ لا مينفعش ؟؟؟ ليسيسيسيه ؟ !!لأن دي مشكلة
من 100 مشكلة في الحياة , انما انا عايز فلوس وعندي مشاكل و عندي هموم ونفسي في آمال
محققتهاش وعندي مشاكل في الدين والعبادة والدنيا وعندي مشاكل كثير ؟! يبقى إمتى أقول **وَلَمْ**
أَكُنْ بِدُعَائِكَ رَبِّ شَقِيًّا ﴿٤﴾ ؟!!! لما كل مشاكل حياته تتحل بسبب الدعاء !! يبقى الكلمة دي
كلمة واحد جالوا كذا مرض خطير وخف بسبب الدعاء وبردوا مشاكل بينه وبين مراته وكانت الأسرة

هتتهد واتصلحت بسبب الدعاء وجالوا مشاكل نفسية وراحت بسبب الدعاء وحصل أزمات دعوية وراحت بسبب الدعاء وأهل الباطل هددوه وكانوا هيكتسحوا عليه لولا ربنا نجاه منهم بسبب الدعاء وكان فيه أوقات مر بطروف اقتصادية صعبه ورزق بسبب الدعاء وفي الآخر يقول **وَلَمْ أَكُنْ بِدُعَائِكَ رَبَّ شَقِيًّا ﴿٤﴾** يبقى هي دي ؟!! يبقى لما واحد يبجي يقولك هو ربنا مش بيستجيب دعائي ليه ؟ ! هو إنت بتتطلب أصلاً يا بني ؟! شوف سيدنا زكريا عليه السلام بيقول بدعائي أنا ياارب الدعاء ده صاحبي في الحياة , أنا ليل نهار بدعيك , انا يا رب أول ما بسمع الآذان بيقول الله أكبر بجري على الجامع علشان الدعاء بين الآذان والإقامة لا يُرد ويقعد أدعي ياارب , أنا يا رب النصف ساعة قبل الفجر دي حياتي في الدعاء , النصف ساعة قبل المغرب يوم الجمعة دي حياتي , أمشي أدعوك . أحد إخوانا يعني مشغول في شغله جداً في السفر , يعني كل يوم بيسافر بلاد علشان الشغل بتاعه فقولتله دي فرصة عمرك إنت تقفل عليك العربية بتاعتك واصرخ لربنا وإنت رايح جاي في الدعاء أقعد إدعي ربنا ليل نهار , دا أنت ربنا مفرغك لعبادة الدعاء , يا بختك دا أنت ربنا لم يشغلك بشي غير الدعاء سبحانه وتعالى --- الآية الثانية اللي عايزين نقف معاها " **فَخَرَجَ عَلَى قَوْمِهِ مِنَ**

الْمِحْرَابِ , المحراب : من الحرب هو المكان الذي يحارب فيه نفسه والشيطان , زكريا عليه السلام ده نبي !! نبي يعني بعد ما بقى نبي وهو لسه بيحارب نفسه و الشيطان !!!1 مش الأخ منا يا أخويا يجيلوا خطبة في الجمعة يطلع على المنبر كده الناس تقوله ما شاء الله يا شيخ ربنا ببارك فيك ؟! يقوم يعدل هدومه كده ويقول بقيت شيخ ياااض خلاص !! لا عاد بقى مجاهده فردية , ولا عاد حضور دروس , ولا عاد بقى تصحى تبكي بين إيد ربنا في قيام الليل علشان يصلحك قلبك إنت كبرت خلاص ؟!! إنت دينك إنك تقول دروس حلوة وخلاص الناس تنوب بسببها وفي الآخر تتشال كده وترمي في جهنم !! والناس بتتفرج عليك وإنت عبرة وآية ليهم يوم القيامة والعياد بالله * نبي ولسه بيحارب نفسه ولسه بيجاهد علشان يترقى في الإيمان , سيدنا إبراهيم عليه السلام بعد ما بقى نبي طالع نازل من على الجبال يقطع في الطير ويحطها علشان " **رَبِّ أَرِنِي كَيْفَ تُحْيِي الْمَوْتَى** " بعد ما بقى نبي لسه بيجاهد من أجل ترقية الإيمان في قلبه بعد ما بقى نبي , و الملائكة " **وَنَحْنُ نُسَبِّحُ بِحَمْدِكَ وَنُقَدِّسُ لَكَ** " مضارع مستمر يعني كل ما نسيح ونعبد مقامات الإيمان بتزيد أكثر كل ما تسبح الإيمان يزداد أكثر الملائكة مشغولة ترقية الإيمان في قلوبها يا جماعة !! وإحنا مش مشغولين !! ونحن لسنا بمشغولين !! يعني إحنا ندرك بعد ما بقوا أنبياء وهما لسه بيكافحوا أنفسهم من أجل الوصول إلى الله سبحانه وتعالى ؟!! قضية اوعى يكون آخر دينك هو الدرس !!! إوعاك

آخر دينك هي الورش !! إوعاك آخر دينك هو تحفيظ القرآن اللي هو انت فيه !! جaaaaااهد من أجل الوصول إلى الله , اجري على دينك يا بني وأقعد دور أخذ علمي عند مين , وأحفظ قرآن بردو ا فين , واتعلم سند فين , مين يعلمني تفسير أو عقيدة , مين يعلمني فن دعوة , المفروض تجري على دينك متستناش إن كل حاجة حد يعملها لك • ! نبي ويحارب نفسه "فَأَوْحَى إِلَيْهِمْ " منظر مبكي وواحد مش قادر يتكلم وقاعد يحرك إيديه علشان يقول للناس سبحوا بكرة وعشياً؟! تعرف توصلها دي إزااي؟ • حب زكريا عليه السلام للدعوة إلى الله من لهفته على هداية الناس والناس اللي بتكلم مبتتطقش "سَبِّحُوا بُكْرَةً وَعَشِيًّا " آخر حاجة في حلقة انهارده البطل القادم بقى القائد الذي طلبه زكريا عليه السلام من الله ، صفات القائد سريعاً بقى يا جماعة: **خُذِ الْكِتَابَ بِقُوَّةٍ " 1_ يبقى دى بقى قوه العزم :** مش مش قادر أقوم الليل والقرآن ومش قادر أحفظ القرآن !! العزيمة من أجل حفظ القرآن قوي قي قيام الليل بالقرآن , قوي في تلاوة القرآن , القرآن قوي في السعي من أجل القرآن , قوي في تطبيق القرآن , خد بقوة: عارف لما أديك شعلة , امسك الشعلة دى خدها إنت اللي هتشيل الراية دي من بعدي يبقى قوة العزم يبقى دي صفات القائد بصوا معايا اللي نفسه يكون قائد في انقاذ هذه الأمة "قوه العزم يعنى حذ الكتاب بقوة " ، **"وَأَتَيْنَاهُ الْحُكْمَ صَبِيًّا " 2_ من معانى الحب يا جماعة الحكمة والفهم يبقى قوة الفهم** قوة جت بعد إيه ركزوا معايا هي جت بعد خذ الكتاب بقوة يعني سبب الفهم والحكمة إيه ؟ !! هي القرآن أي تتعبد به وأن تفهمه وأن تعمل به علشان كده أول دواء في روشة بناء يحيى هي خذ الكتاب أول دواء الارتباط بالنص اللي هو القرآن واللي مش هيرتبط بالنص مش هيرتبط بحاجة ومش هيوصل لحاجة وكثير من الناس يعملوا في مهنة الدعوة لما الواحد يتكلم معاهم وكده يعني هو عايز يقول هو ليه فيه دعوة ربنا بيبارك فيها ودعوة يعني الواحد يقعد يكلم الناس ويقول يا بني فيه داعية مرتبط بالقرآن فيربط الناس بالقرآن فالناس بتطلع وبتترقى وربنا بيبارك في الدعوة وفيه واحد حصيلته في الدين معلومات مش مرتبط بالنص ومش مرتبط بمنهج محمد بن عبد الله عليه أفضل الصلاة والسلام ، يبقى إنت عايز ترتقي وترقي أي واحد يرتبط بيك في يوم من الأيام ارتبط بالقرآن هي دي بركة العمر كلها ، علشان كده بعدها " **وَأَتَيْنَاهُ الْحُكْمَ صَبِيًّا " وهو في رابعة ابتدائي لسه , وهو لسه في الابتدائية إمام من الأئمة لسييه !!!؟ بسبب الارتباط بالقرآن ، سنة واحدة بس ! شوفوا رمضان عدى بقالوا قد إيه ! رمضان عليه 8 شهور بالظبط 8 شهور !! 8 شهور دول لو أنتم عشتم ارتباط بالقرآن في قيام الليل وتلاوة النهار وفهم جزء التفسير أيقن إن رمضان الجاى يبقى نقلة عمرك كلها لسييه !!!؟ لأن القرآن طريقك معاه مش**

طويل لذلك "ءَاتَيْنَاهُ الْحُكْمَ صَبِيًّا" يعني مش بعد 20 سنة بعد ما نبت في مدرسة القرآن , دا القرآن بيطلع ثمرة علطول ده كلام ربنا بقى , علشان كده عايزين نربي أولادنا أعظم تربية تربطهم بالقرآن , تقعد معاهم جلسات في القرآن , يبقى قوة العزم وقوة الفهم , " وَحَنَانًا مِّن لَّدُنَّا وَزَكَاةً وَكَانَ تَقْوَىٰ " ::

3_ أي زكاة النفس , النفس الزكية اللي هي الحنان يا جماعة أول صفة ذكرت بعد القرآن هي "

الحنان " عارفين إيه الفرق بين الحنان والرحمة؟ الرحمة :: اللي هي ممكن أرحم واحد عاصي , أما الحنان : لا يكون إلا مع الملتزمين علشان كده حنان الله للصالحين علشان كده صفة الله الحنان مش مرتبطة بالغصاة مش زي اسم الله الرحيم بيرحم كله لا !! حنان الله للصالحين زي اسم الله الولي اسم بتاع الصالحين بس !! الباقيين ملهوش دعوة بيه , الله يتولى الصالحين سبحانه وتعالى , يبقى الحنان إنك إنت وده طبعاً من تحلم الله سبحانه وتعالى , صفة الحنان صفة ثابتة لله في القرآن والسنة كما قال السلف , صفة الحنان هنا حنان سيدنا يحيى عليه السلام إن ربنا ملأ قلبه حنان على الأخوة والأخوات وإن ربنا ملأ قلبه حنان على الصبر,و لو واحد مكاني كده وقاعد يبصلكم ويقول يا انا الناس دول غلابة كل واحد من دول يا هو وهو جاي أبوه مقطعه مقطعله ضميره ومحسسه مجرم حرب إنه هو جيه ويتوب إلى ربنا, يا إما عنده مشكلة اقتصادية , يا إما عنده مشكلة في بيته , يا إما عنده أزمة مالية , يا إما عنده أزمة نفسية بالضغوط الحياتية , كل واحدة من اللي جايبين تحت دول أهلها حاربوها علشان نقابها وممكن جوزها يبحاربها علشان نقابها , وممكن مش قادرة تجمع بين دينها ودنيتها , إن إحنا نحس بالحنان على بعض يا جماعة , إننا نبص لبعض كده ونحس إننا غلابة فمش أخوك اللي يستاهل منك إنك تكون وحش معه ؟! التوحش اللي عند الأخوة تجاه بعض في الخلاف !! الأخوة اللي بتنوع الشيخ كذا لازم نهذب فيهم !! والأخوة بتنوع الجماعة الفلانية لازم نعمل فيهم !!!يايسيسيه وحوووووووش !! إيه والعياذ بالله إحنا في غابة بنعمل مع بعض كده ليه ؟! يا عم محدش ملتزم غير دول أصلاً , لما أنتم تولعوا في بعض كده أو مال الناس دي بقي تعمل إيه ؟!! يبقى تستهلوا اللي الناس بتعمله فيكم * الحنان يعني إن إحنا نحن على بعض , الواقع اللي كان عايش فيه يحيى كان واقع ممزق الأمة الإسلامية في عصر اليهود إن الجماعات الإسلامية ومع ذلك الحنان إننا نرحم بعض , أنتم عارفين مصيبة الجماعات الإسلامية إيه ؟!! إن كل واحد ومشاعر قلبه تجاه جماعته بس إنما معددوش ذرة عاطفة تجاه حد ثاني رغم إن ممكن يكون ده جزء آخر, عارفين مصيبة الجماعات الإسلامية إيه إن كل واحد ومشاعر قلبه تجاه أفراد جماعته بس معددوش ذرة عاطفة تجاه حد ثاني رغم إن أي حد ثاني ممكن يكون أشد صيام وقيام ممن معه بس

هو عاطفته لمن معه إلا ما رحم ربي إن يبقى في قلوبنا الحنان أننا نحب كل الملتزمين أننا نحب على بعض الحنان يا جماعة وهو ده فكرة الورش إنك تلاقي حنان إنك تلاقي حضانة تعيش فيها ومع الوقت بتتطور ، هي إيه قضية الدرس ده الحنان إن إحنا " **إخفَضْ جَنَاحَكَ لِمَنِ اتَّبَعَكَ مِنَ الْمُؤْمِنِينَ** " الطير لما بيحب يحضن الكتاكيت بتاعته بيخفص جناحه تقوم الكتاكيت تتجمع تحت جناحه يحضنها يبقى فيه حب لأن مفيش حد بيحضننا إن إحنا يتامى يا جماعة لا إحنا لينا شيخ فاضي متفرغ لينا ولا لينا صحبة وبيئة متماسكة ومتكاملة اللي إحنا بنعمله دلوقتي إنا بنبني حضانة عشان أي حد يبجي يلاقي حضن عشان الحرمان اللي اتحرمناه اللي يبجي بعدنا ميتحرموش عشان الآلام اللي دقناها اللي يبجي بعدنا ميدقهاش " **حَنَانًا مِنْ لَدُنَّا** " ، إن ربنا يملأ قلوبنا بالحنان على بعض من صفات القائد الحنان على الخلق والزكاة ، " **وَكَانَ تَقِيًّا** " بعد كده الطهارة الداخلية وزكاة النفس ده لا طماع ولا عايز موقع ولا عايز يبقى الكبير الزكاة تركية النفس ، ولا عايز الناس تقوله دا اللي كان السبب في النصر ، طاهر النفس ، مش صراع على المواقع ولا المراكز أنا اللي بنيت العمل ده وأنا السبب في النجاح لا أنا أحق بالمركز ده لا دا أنا اللي مفروض أمسك الورشة دي ده **إِسْمَاعِيلُ** !!! ده كلام اليهود " **وَلَنَحْنُ أَحَقُّ** " وكلام إبليس " **أَنَا خَيْرٌ مِنْهُ** " ، اللي عايز يترمي في زنزانة واحدة مع إبليس يظن أنه أحق من إخوانه يا إخوانا طهارة النفس دي تبقى الصفة الثالثة ، الصفة الرابعة ، **وَبَرًّا بِوَالِدَيْهِ وَلَمْ يَكُنْ جَبَّارًا عَصِيًّا** :: 4_بر الوالدين ، العاق لأمه وأبوه جبار لما يبقى أمك وأبوك راجل كبير وست كبيرة فنوا عمرهم عشانك وضحوا بحياتهم عشانك وإنت تشوكلهم وترزع الباب وراك ونازل عشان شايف صحتك وعافيتك إنت جبار وإنتي جبارة لما تتجبر على أمك وأبوك هو التجبر معناه إنك تمسكلهم كبراج وتنزل ضرب فيهم ، التجبر معناه إن وهما في ضعفهم بعد ما بذلوا عمرهم عشان تبقى كبير لما أمك إدتك من جسمها وعمرها ودمها عشان إنت تكبر ترجع بعد كده تتجبر عليهم لما تكبر وتستغني عنهم وتحرق قلبهم وتحطم قلبهم وهما محتاجينلك العاق لأمه والعاق لأمه ده جبار عصي والعياذ بالله ، **وَبَرًّا بِوَالِدَيْهِ** :: ربنا قال برأ وليس باراً يعني شوفوا قمة البر بأمه وأبيه ولم يكن جباراً عصياً يبقى عظمة الأخلاق واللي مفيش فيه خير لأمه وأبوه ميعملش عنده أخلاق مع المجتمع إذا كان أعظم الناس فضلاً عليك إنت معندكش خير ليهم والأخ لما بيتجوز ميزرش أبوه إلا كل أسبوع مرة!!! وكننت لا ، أهلاً ولا مالاً ، دا مكنش لقمة بتسحق في بق ابني إلا لما أمي وأبوي ياكلوا ويشبعوا والباقي منهم أحطه لمراتي وأولادي ياكلوه واللي مش عاجبه هو أنا كده ، البر إنك تعيني جوزك على بر أمه مش تبقى حاجز بينه وبين بر أمه طيب

فيه ضوابط ؟؟ أه طبعاً فيه ضوابط لما واحدة تقول أبويا عايز يقلعني النقاب دا بر ؟؟ او واحد يقول أبويا بيقولي أسيب الإلتزام دا بر ؟؟ فيه ساعات تكون أم الزوج ظالمة مرات ابنها دا بر ؟؟؟؟ لأ ولكن من عصى الله فيك فأطع الله فيه يا جماعة إحنا بنتعامل مع باب في الجنة إنك تعين مراتك على بر أهلها مترميهاش في البيت وهي غلبانة مش قادرة تقولك حاجة وخايفة على رضاك وتمنعها من أمها وأبوها إنك تعينها على برها بأهلها إنت هتأخذ ثوابه ، ظاهرة العقوق موجودة حتى وسط الملتزمين والملتزمات ، قضية كبيرة أوي قضية ، بر الوالدين ، ودي أول وقفة استثنائية هنقفها عرفنوا بقى الدرس الجاي موضوعه إيه ، عقوق الوالدين ، أنا جربت في أول إلزامي لما كانت معاملتي مع أمي وأبويها كان فيها مشاكل وأول مرة كنت أسمع عن بر الوالدين واقراً عنه حسيت إن أنا هنهار من كثر الندم على المعاملة اللي عاملتها ليهم وقمت قبلت إيد والدتي وده كان من 22 أو 23 سنة ومن وقتها الواحد بيجاهد في بر أمه وأبوه ، أنا عايز اللحظات دي تشكل حياتنا عايزك تقف وقفة في برك بأمك وأبوك بالذات لما يكبروا بالذات لما تتجوز ويكون عندك أولاد وتعرف هما بيبهوك قد إيه وتعرف تعبوا عشانك قد إيه ، الآية الأخيرة ، "وَسَلَامٌ عَلَيْهِ يَوْمُ وُلِدَ وَيَوْمُ يَمُوتُ وَيَوْمُ يُبْعَثُ حَيًّا" * **سلام** :: يعني فيه مصايب لما أقولك * حمد لله عالسلااااااااااامة * وإنت خارج من عملية معناه إن فيه ناس بتموت في العمليات صح ولا لأ فيه ناس بيحصلها مضاعفات في العمليات مشاكل في البنج ، الجراح ممكن يقطع شريان ، سلام بقى يبقى فيه مصايب فى ال 3 دول "يَوْمُ وُلِدَ وَيَوْمُ يَمُوتُ وَيَوْمُ يُبْعَثُ حَيًّا" معناه إن فيه 3 أخطار في حياتنا لو إنت مأخدتش بالك منها لازم تأخذ بالك منها لازم تستعد ليها ، **الخطر الأول** "يَوْمُ وُلِدَ" الدنيا ، إنك تتفتن في الدنيا وتخرج عن طريق ربنا وكمان الأثر الدنيوي للمعصية إن العقوبات تنزل تدمرك دينك وتدمر سعادتك في الدنيا ، **الخطر الثانى** "يَوْمُ يَمُوتُ" أي عذاب القبر ، **الخطر الثالث** "يُبْعَثُ حَيًّا" ، أي عذاب يوم القيامة والنار ، يبقى دي 3 مشاكل اللي في حياتك فهمتوا ليه إحنا بعد كل صلاة نقول اللهم أنت السلام ومنك السلام ، منك السلام في ال 3 دول يارب سلمني في دينتي من الفتن وعاقبة ذنوبي ، سلمني يارب في قبري من عذاب القبر سلمني يارب من أهوال القيامة وأهوال النار وهقف لحد هنا وهي دي صفات القائد ، حزين على اللي كان نفسي أقوله ومقولتوش إحنا اتفقنا إن فكرة سلسلة تدبرات سورة مريم إيه؟؟ زي شركة السياحة لما تيجي تسافر تركيا توريك بعض المناظر منها إنما لما تروح هتشوفها شارع شارع ، دلوقتي بنعمل تعارف متوسط مع الآيات لكن مش هنعرف نقف مع كل آيه وإلا هحتاج لكل آيه سلسلة لوحدها ، انهارده بفضل الله بدأ تحفيظ الرجالة فوق والنساء تحت العدد معقول

اللي حضروا أنا كنت معتقد إن التحفيظ اللي قبل الدرس ده كل الناس هتيجي وكنت مفكر إنه ميعاد مناسب وقعدت أرتبله وأخطط من قبل 10 من ذي الحجة ليه؟؟ لأنك كده كده أنت جاي فهتيجي تحفظ وتحضر الدرس والورش 3*1 عايزين نركز على حفظ سورة مريم الحاجة الثانية على شبكة النت فيه تحفيظ وتجويد لسورة مريم ، بالنسبة للتفريغ ، شكر خاص لأخواتنا وأخواننا على شبكة النت اللي فرغوا الدرس تفريغ فوري جزاهم الله خيراً وعايزين بقى فوري وسوبر فوري، عايز أسألکم کام واحد هنا راجع تفسير سورة مريم تفسير بن كثير ؟ يرفع إيدہ !! أنا واثق إن لو سألنا النساء وقلنا مين فتحت الكتاب نصف المسجد هيرفع إيدہ ، • من أسباب البركة في العمر والبركة في الرزق بر الوالدين • إنتوا عارفين إن بكرة مُحرم " **أفضل الصيام صيام شهر الله المحرم** " أذكركم إخواني وأخواتي بالصيام ، يوم عاشوراء يوم إيه إن شاء الله ؟؟؟ يوم الإثنين اللي بعد اللي جاي ياذن الله سبحانه وتعالى • غالباً ياذن الله إن ربنا أذن هنعمل اليوم ده هنا في الجمعية الشرعية ياذن الله وهيقى يوم ندعوا إليه على النت وفي كل مكان إن شاء الله • إخوانا وأخواتنا ياذن الله سبحانه وتعالى الورقة دي هتوزعوها ولا إيه ؟؟؟ هتوزعوها ؟؟؟ هتصوروها ؟؟؟ طيب ماشي جزاكم الله خيراً • غالباً هيقى يوم الإثنين اللي بعد الجاي هيكون هذا اليوم هنفطر هنا مع بعض هنا ويقی يوم إيماني ياذن الله سبحانه وتعالى • سيكون ياذن الله فيه عودة إلى الله وأوبة وتوبة إلى الله ذلك اليوم العظيم ياذن الله سبحانه وتعالى • لسه فيه حاجة تانية يا إخواني ؟ أه فيه ؟؟؟ • في واحد بيستجيب بعد 3 مرات وواحد بيستجيب بعد 4 مرات • ؟؟ يعني انتوا طلعتوا تعرفوا بعض ؟ • انهارده عايزين نعمل حاجة جديدة مش هقول لكم عليها ؟؟ • أنا مكسوف منكم يا جماعة ، أنا مكنتش أعرف إنكم لُذاذ بالشكل ده ؟؟ يعني انتوا كلکم عارفين بعض ؟ بُناءً على إن طلع إن ماحدش فيکم عارف الثاني ، وطلعتوا ناس ممزقة ومتفرقة ، ومفیش بینکم أي تواصل ، وشکلکم هتنتکسوا بسبب إنکم مش عارفين بعض ، عايزين نتعرف على بعض يا جماعة ، أول حاجة السبب اللي في إن الناس ما بتعرفش بعض إن الناس ما بتقعدش ورش ، • کام واحد فيکم بيقعد في الورش يا جماعة؟؟ ، يرفع إيدہ کده ؟؟ طب کام واحد انهاردة هيقعد في الورش ؟؟ ، يرفع إيدہ کده ؟؟؟ لحد إمتی هيفضل نص الدرس بس أو تلتة اللي بيقعد في الورش ؟؟ لحد إمتی التلتين مش بيقعد ؟؟ طب اللي مش بيقعد مش بيقعد في الورش مش بيقعد ليه ؟؟؟ • هنعمل فكرة جميلة قوي ، عارفين هنعمل إيه ؟؟ تراور الورش ، يعني إيه ؟؟؟ يعني كل ورشة هتقوم تزور الورشة الثانية • يعني هنعمل إيه ؟؟؟ الورشة اللي بتقعد هنا وبتحفظ الأربعين النووية كل مرة هتزرور الورشة اللي

بتقعد تتكلم في الوعظ والطريق إلى الله كل مرة • وتبدأ الورش تزور بعض • وتبدأ الورش تتعرف على بعض ، تمهيداً يا جماعة لتطویر إن شاء الله تربوى شامل في مسألة الورش ، بس أنا مش عاوز أقول عليه ؟؟ • لأن المفروض بدأت الخطة دي من بعد رمضان ولكن الشهرين اللي فاتوا لم يُنفذ البرنامج في الصورة اللي كان موضوع لها علشان كده المرة دي اللي هيمسك المنهج التربوي للورش هو مين ؟؟)) أنا بنفسى مع إخواني القائمين على هذا الأمر بإذن الله • (من انهارده هتلاقيني نازللك الورشة ، هتلاقيني نازللك ورشه ورشة ؟؟ علشان أطمئن عليك ، وأشوف موضوع الورشة ده إيه ، وأشوف مشاكل الناس إيه ، الورش يعني إيه ؟ يعني كل ورشة هتقوم تزور الورشة الثانية يعني عندي ورشة هنا وهنا قول مثلاً سبع تمن تسع ورش موجودين خلاص نعمل انهاردة تزاور يعني الورشة اللي بتقعد هنا هوات ويتدرس الأربعين النووية كل مرة تقعد مع الورشة اللي بتقعد هنا هوات وتتكلم في الوعظ في الطريق إلى الله كل مرة تقعد هنا مع الورشة اللي بيحبوا حاجه ساقعة وحاجه حلوة ويقعدوا يضحكوا مع بعض كل مرة ويبدأ الورش تزور بعض وتبدأ الورش تتعرف على بعض تمهيداً يا جماعة لتطویر إن شاء الله تربوي شامل لمسألة الورش ولكن أنا مش عايز أقول عليه لأن يعني أنا كنت بدأنا الخطة دي من بعد رمضان ولكن الشهرين اللي فاتوا لن ينفذ البرنامج بالصورة اللي كان محتوط ليها لكن المرة دي إن شاء الله بإذن الله اللي هيمسك المنهج التربوي للورش هو أنا بنفسى بإذن الله سبحانه وتعالى أنا بنفسى مع أخواني المكلفين بهذا الأمر ومع أخواني القائمين على هذا الأمر بإذن الله من النهاردة هتلاقيني نزللك الورشة من النهاردة هتلاقيني نزللك ورشة ورشة أطمئن عليك و أشوف موضوع الورش ده إيه و أشوف مشاكل الناس إيه علشان كده يا جماعة لازم نقعد النهاردة يا شباب يا بنات يا جماعة يالى معانا في المسجد ويالى معانا في النت" برصيصة مات كافر لأنه مفهمش أنه محتاج كان يصبر على صحبة أخ في العبادة سبعين سنة علشان مايמותش كافر في آخر يوم في حياة يبقى برصيصا اللي عاش عمره يعبد ربنا مات كافر لأن الشيطان في آخر أسبوع في عمره في آخر ثلاث أربع أيام في عمره ضحك عليه ولأنه ضعيف معاهوش حد ومعدوش أصدقاء أضحك عليه وزني ثم قتل ثم كفر ثم مات كافرا في فكان عاقبته أنه كان في النار خالدين فيها هو و إبليس في زلزلة واحده في جهنم والعياذ بالله ليه لأنه معرفش قيمة إنه يبقى ليه صاحب صالح لأنها ماعرفتش قيمة أنها يبقى ليها صاحبة سالحة"انهاردة بإذن الله الورش النسائية هتبدء بعد الدرس تحت ربنا يبارك فيهم وفي القائمين عليها إن شاء الله بإذن الله ونحاول في الورش النسائية النهاردة أخواتنا الفاضلات اللي مسكين بقي يعني ورشة أم سفيان ورشة أم زياد ورشة يعني الورش والقائمين عليه بإذن الله

سبحانه وتعالى يبدأوا النهاردة موضوع تذاور بينهم وبين بعض يعني مسألة إن إحنا نتكلم في الإيمانيات جميلة إنما لو إحنا مش عارفين بعض قيمتها أيه ونتعاهد بالذات عند النساء العلاقة بنا مش هتبقى ها أتعرفوا على بعض ، أتعرفوا على بعض علشان تبقى علاقة إيمانية بينكم طول الأسبوع توصلوا لربنا بيها الرجال النهاردة عارف برصيصة عايز دينك يبقى في خطر زي برصيصة ؟ أنت حر أخرج وأمشي وأستخسر النص ساعة اللي أنت هتقعدها مع إخوانك في الورش بس أعرف إن أنت في خطر أعرف إن أنت في خطر الورش دي حضانة تربوية وبإذن الله سبحانه وتعالى إن شاء الله هتشوفوا بكره هيخرج منها إيه هتشوفوا بكرة المنصورة دهى بسبب الورش هيبقى فيه خير لدعوتكم في الإلتزام والتوبة إلى الله قد إيه هتشوفوا بكرة بسبب الورش التوبة إلى الله هتبقى منهج مجتمع إن شاء الله بإذن الله قد إيه وهيخرج دعاة منها قد إيه مين حيقعد في الورش انهارة ومين لما أفوت عليه انهارة في الورشة بإذن الله هلاقيه راجل عارف قيمة إخوانه ويقعد في تزاور الورش كل ورشتين يتزاورا مع بعض مين يا جماعة يرفع إيديه ها يرفع أيديه إيه ده أنتوا عارفين إيه ده بيتزا معاكم كام بيتزا يا دكتور أحمد ما شاء الله يا سلام ده في يا جماعة انهارة عشر بيتزات معانا عشان إيه عشان الورش مين هيقعد في الورشة النهاردة يا رجالة الله صور المنظر ده يا أستاذ ياسر علشان يتفضحوا علشان بس علشان الناس بس تعرف حقيقة السلفين بس علشان محدش يضحك عليه بعد كده ويعملك مين هيقعد في الورش انهارة طبعاً ده دافع جميل جداً إن إحنا هنقعد في الورش وهنتعرف على بعض إن شاء الله بإذن الله ويعني إن شاء الله بإذن الله طبعاً إنتوا عرفتموا إن فيه دوافع جميلة جداً في الدار الآخرة صور البيتزا كده علشان الأخوة على أنت تعرف دوافع البيتزا إن شاء الله أخواتنا تحت بردوا إن شاء الله هنزل لكل ورشة إن شاء الله من البيتزا طبعاً إن شاء الله بإذن الله كل واحدة هترمي جوزها انهارة وهتقعد في الورشة ولا هتقولك جوزي واقف بره ولا حاجة على فكرة يا جماعة من الأدلة على فاعلية الورش أن البيتزا فيها فراخ وإن البيتزا معاها كاتشب وإن ده طبعاً يدل على إن المنهج التربوي للورش منهج عالي جداً ومنهج متميز جداً أنتم أخوة زي العسل والله بقولكم إيه ، المسئول عن الورش لازم يبقى ليه بيتزاية إن شاء الله بإذن الله ربنا يسدّدكم أنا جايه لكم كمان من محل حلو يعني إن شاء الله بإذن الله أخواني يعني أرجوكم أنكم تعرفوا مصلحتكم أرجوكم أن إحنا بنمدلكم إيدينا مدولنا إيديكم وإحنا بنعمل تحفيظ سورة مريم أحضروا وأحنا بنعمل تفسير سورة مريم المذكور هتبقى موجوده من المره الجاية إن شاء الله خدّها أشتريها وذاكر فيها وذاكر في ابن كثير الأسبوع ده قوم الليل بسورة مريم الأسبوع ده أحضر الورش و أتعرفوا على بعض علشان بإذن الله

سبحانه وتعالى سيكون هناك منهج تربوي رائع وهنزل مع بعض بإذن الله وزي ما بقولكم من انهاردة
المنهج التربوي بتاع الورش أنا مش هعزل نفسي عنه أنا هبقى من العناصر اللي فيه من الفريق التربوي
بتاع الورش بإذن الله سبحانه وتعالى لضمان شدة الجدية في احترام عمر كل واحد سايب لنا جزء من
وقته في مسألة الورش ربنا يثبتكم ويبارك فيكم طولنا انهارده جداً مش مشكلة يا جماعة ولكن في
الخير ربنا يحفظكم ويبارك فيكم إن شاء الله حصن المسلم مسجل مع الورش سبحانك اللهم
وبحمدك أشهد أن لا إله إلا أنت أستغفرك وأتوب إليك.